

**სსიპ ივანე ჯავახიშვილის სახელობის თბილისის სახელმწიფო უნივერსიტეტის
სატენდერო კომისიის სხდომის ოქმი N 1**

ქ.თბილისი

იანვარი 2022 წელი

სატენდერო კომისიის თავმჯდომარე-
ადმინისტრაციის ხელმძღვანელი: ლაშა სალინაძე
სატენდერო კომისიის თავმჯდომარის მოადგილე -
საფინანსო დეპარტამენტის უფროსი: ირაკლი საღარეიშვილი

კომისიის წევრები:

ადმინისტრაციის ხელმძღვანელის მოადგილე - გიორგი შამათავა
პერსონალის მართვის დეპარტამენტის უფროსი - ნათელა ლაცაბიძე
იურიდიული დეპარტამენტის უფროსი - არჩილ კუკულავა
მატერიალური რესურსების მართვის დეპარტამენტის უფროსი - გიორგი ტალახაძე
საინფორმაციო ტექნოლოგიების მართვის დეპარტამენტის უფროსი - ნატო ჩუბინიძე
სატენდერო კომისიის აპარატის წევრი:
შესყიდვების განყოფილების მთავარი სპეციალისტი - ლია ბაყაშვილი

დღის წესრიგი:

სსიპ ივანე ჯავახიშვილის სახელობის თბილისის სახელმწიფო უნივერსიტეტისათვის ეკონომიკური შემოსავლების დაფინანსების ფარგლებში 2022 წლის საჭიროებისთვის საშემფასებლო-აუდიტორული მომსახურების (CPV 792120000) სახელმწიფო შესყიდვის მიზნით ელექტრონული ტენდერის გამოსაცხადებლად სატენდერო დოკუმენტაციისა და ელექტრონულად შევსებული სატენდერო პირობების პროექტის განხილვა-დამტკიცება.

სატენდერო კომისიამ მოისმინა აპარატის წევრის ლ. ბაყაშვილის ინფორმაცია ტენდერის ჩატარების შესახებ განცხადების ტექსტისა და სატენდერო დოკუმენტაციის პროექტის შესახებ.

სატენდერო კომისიამ განიხილა ელექტრონული ტენდერის განსახორციელებლად შედგენილი ტექნიკური დავალება და ელექტრონულად შევსებული სატენდერო პირობების პროექტი, რომელიც შეესაბამება პრაქტიკაში აღიარებულ სტანდარტებს, ტერმინოლოგიას და პირობით მაჩვენებლებს. ტექნიკური დავალება მომზადდა 2022 წლის 14 იანვრის №488/10 მოთხოვნის საფუძველზე. მიმწოდებელმა უნდა უზრუნველყოს თსუ ბალანსზე რიცხული უძრავი ქონების (შენობა-ნაგებობების, დაუმთავრებელი ნაგებობის, მიწის ნაკვეთის) საბაზრო ღირებულებით შეფასება; თბილისის სახელმწიფო უნივერსიტეტის სხვადასხვა კორპუსის ფართისა და მოძრავი ქონების დროებით სარგებლობაში, იჯარით გადაცემის შემთხვევებში საბაზრო ღირებულების განსაზღვრა, მომსახურების პაკეტის შეფასება; ნაჩუქარი სასაქონლო - მატერიალური ფასეულობის საბაზრო ღირებულების განსაზღვრა; საავტომობილო ტექნიკის ღირებულების შეფასება, სხვა აუდიტორული მომსახურება - ზოგიერთ კონკრეტულ შემთხვევაში ქონების საბაზრო, საუტილიზაციო, აღდგენითი, საინვესტიციო ღირებულებების განსაზღვრა საჭიროებისა და მოთხოვნის შესაბამისად. მომსახურება იქნება ეტაპობრივად, შემსყიდველის წინასწარი წერილობითი მოთხოვნის საფუძველზე, მოთხოვნიდან არაუგვიანეს 10 (ათი) სამუშაო დღის ვადაში, რომელიც უნდა დასრულდეს 2022 წლის 20 დეკემბერს.

პრეტენდენტს უნდა გააჩნდეს საჯარო სექტორში განხორციელებული ანალოგიური ხასიათის სირთულისა და შინაარსის მქონე სამშენებლო მომსახურების გაწევის შესახებ გამოცდილება - 01/01/2019 და 01/01/2022-მდე პერიოდში არანაკლებ ორი შესრულებული პროექტი / ხელშეკრულება, აღნიშნული პერიოდის თითოეულ წელზე. აღნიშნულის დასადასტურებლად პრეტენდენტმა ერთიან ელექტრონულ სისტემაში უნდა ატვირთოს საჯარო სექტორში დამკვეთთან გაფორმებული ხელშეკრულებები და მიღება-ჩაბარების აქტები ან/და ტოლფასი დოკუმენტის ასლები. საკმარისია საქართველოს სახელმწიფო შესყიდვების ერთიანი ელექტრონული სისტემის ტენდერის უნიკალური ნომერის SPA/NAT /CMR ნომრების მითითება, სადაც შესაძლებელი იქნება მოთხოვნილი დოკუმენტების გადამოწმება.

კომპანიის წევრებს, რომლებიც დაკავებული იქნებიან სატენდერო დოკუმენტაციის ტექნიკური დავალებით გათვალისწინებული სამუშაოების შესრულებაზე უნდა გააჩნდეთ:

1. სერთიფიცირებული აკრედიტირებული ორგანოს მიერ გაცემული მოძრავი ქონების შეფასების მოქმედი სერთიფიკატი;
2. სერთიფიცირებული აკრედიტირებული ორგანოს მიერ გაცემული უძრავი ქონების შეფასების მოქმედი სერთიფიკატი;
3. საჯარო სექტორში აუდიტორული მომსახურების გაწევის უფლების დამადასტურებელი სერთიფიკატი თანახმად საქართველოს კანონის „სახელმწიფო აუდიტის სამსახურის შესახებ“. აღნიშნული დოკუმენტი პრეტენდენტის მიერ წარმოდგენილი (ატვირთული) უნდა იყოს სატენდერო წინადადებასთან ერთად. შემფასებლების სერტიფიკატები მოქმედი უნდა იყოს ხელშეკრულების მოქმედების ვადის განმავლობაში, ხოლო ხელშეკრულების მოქმედების პერიოდში სერტიფიკატ(ებ)ის მოქმედების ვადის გასვლის შემთხვევაში, მიმწოდებელი ვალდებულია წარმოადგინოს პერსონალის ახალი სერტიფიკატ(ებ)ი, ან შემსყიდველთან შეთანხმებით ჩაანაცვლოს არსებული პერსონალი სხვა იმავე ან უკეთესი კვალიფიკაციის და გამოცდილების მქონე სერტიფიცირებული შემფასებლ(ებ)ით. პრეტენდენტი კომპანია რეგისტრირებული უნდა იყოს აუდიტორული ფირმების სახელმწიფო რეესტრში, ვებგვერდზე www.saras.gov.ge.

შესყიდვის ობიექტის თავისებურებიდან და სპეციფიკიდან გამომდინარე სატენდერო დოკუმენტაციით არ მოითხოვება ფასწარმოქმნის ადეკვატურობის დასაბუთების ვალდებულება. რადგან ხელშეკრულებით ნაკისრი ვალდებულების შესრულება დამოკიდებულია მხოლოდ პრეტენდენტის/ აუდიტორული კომპანიის ინტელექტუალურ ცოდნასა და გამოცდილებაზე, მიგვაჩნია, რომ ფასწარმოქმნის ადეკვატურობის დასაბუთების შეფასება ობიექტურ კრიტერიუმებზე დაყრდნობით შეუძლებელია, ფასის ოდენობის დადგენა მიმწოდებლის პრეროგატივაა და დამატებით მისი ადეკვატურობის დასაბუთება საჭიროებას არ წარმოადგენს.

ასევე იმსჯელოს ბაზრის კვლევის სპეციალისტის მიერ ჩატარებული მოკვლევის (დოკუმენტი N1072/10) შედეგების შესახებ. აღინიშნა, რომ შესყიდვის ობიექტის სავარაუდო ღირებულება, დადგენილ იქნა შემსყიდველი ორგანიზაციის მიერ ბაზარზე არსებული ფასების საფუძველზე და განისაზღვრა უმცირესი ფასით 22 000.00 ლარით. მომსახურება განხორციელდება 2022 წლის სახსრებით, რომელიც გათვალისწინებულია სახელმწიფო შესყიდვების გეგმაში. ანგარიშსწორება განხორციელდება ეტაპობრივად, მიღება - ჩაბარების შუალედური აქტებით.

კომისიამ დაადგინა:

1. „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავჯდომარის 2017 წლის 14 ივნისის N12 ბრძანების მოთხოვნათა გათვალისწინებით დამტკიცდეს ელექტრონული ტენდერის განცხადებისა და სატენდერო დოკუმენტაციის პროექტი 2022 წლის საჭიროებისთვის სამშენებლო-აუდიტორული მომსახურების შესყიდვა (CPV 79212000 - აუდიტორული მომსახურება) და ელ. ტენდერის პროცედურა ჩატარდეს ელექტრონული ტენდერი აუქციონის გარეშე (NAT) აბრევიატურით (იხ.დანართი). სახელმწიფო შესყიდვის სავარაუდო ღირებულება განისაზღვრა 22000.00 (ოცდაორი ათასი ლარი) ლარით. დაფინანსების წყარო: ეკონომიკური შემოსავლები.

2. „სახელმწიფო შესყიდვების შესახებ“ საქართველოს კანონის მე-12¹ მუხლის მე-4 პუნქტის შესაბამისად დამტკიცებულ იქნას სატენდერო განცხადების, სატენდერო პირობებისა და ხელშეკრულების პროექტები.

3. დაევალოს სატენდერო კომისიის აპარატს „სახელმწიფო შესყიდვების შესახებ“ საქართველოს კანონის 12 მუხლის მე-2 პუნქტისა და სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული „ელექტრონული ტენდერის ჩატარების წესის“ წესის მე-16 და მე-17 მუხლების შესაბამისად უზრუნველყოს ტენდერის ჩატარების შესახებ განცხადების და სატენდერო პირობების განთავსება სახელმწიფო შესყიდვების ერთიან ელექტრონულ სისტემაში <https://tenders.procurement.gov.ge>.

ლაშა სალინაძე




ადმინისტრაციის ხელმძღვანელი
ივანე ჯავახიშვილის სახელობის თბილისის სახელმწიფო უნივერსიტეტი

ირაკლი საღარეიშვილი




დეპარტამენტის უფროსი
საფინანსო დეპარტამენტი

გიორგი შამათავა




ადმინისტრაციის ხელმძღვანელის მოადგილე
ივანე ჯავახიშვილის სახელობის თბილისის სახელმწიფო უნივერსიტეტი

არჩილი კუკულავა




დეპარტამენტის უფროსი
იურიდიული დეპარტამენტი

ნათელა ლაცაბიძე



დეპარტამენტის უფროსი
პერსონალის მართვის დეპარტამენტი

ნატო ჩუბინიძე



დეპარტამენტის უფროსი
საინფორმაციო ტექნოლოგიების დეპარტამენტი

გიორგი ტალახაძე



დეპარტამენტის უფროსი
მატერიალური რესურსების მართვის დეპარტამენტი

ლია ბაყაშვილი



მთავარი სპეციალისტი
შესყიდვების განყოფილება